

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historia Zaringo Badensis**

**Schöpflin, Johann Daniel**

**Carolsruhae, 1764**

Caput II.

[urn:nbn:de:bsz:31-295098](#)

## C A P U T I I.

J A C O B U S.

A. 1431 — 1453.



### §. I.

**R**egimen martiale exceptit pacificum musisque dicatum. Minervam Bellonæ in Aula Badensi successisse dices. Jacobus Marchio, magni parentis magna propago; togatis virtutibus ejus decenter ornatus, inter Principes Imperii temporis sui nobilis quoque tenuit locum. Quindecimo die Martii A. 1407. (a) natus, Principum Domus Badensis primus literis imbutus est puer, ex patris præcepto, qui licet ipse indoctus, doctos tamen voluit esse, quos educaverat, filios.

Tom. II.

R 2

(a) Nativitatem ejus describit REMBOLDUS SLECHT, *Argentin. Canonicus, seculi XV. scriptor. in Append. Ms. ad Martinum Minoritam, ubi ita:* „Marchio de Baden Bernhardus, licet plures habuerit filias, cum „uxore sua de Oettingen orta, tamen nunquam filium habuit, nisi pri- „mogenitum Jacobum nomine, qui in A. Dni 1407. XV. die Mensis „Marcii natus fuit & baptizatus XVIII. mensis predicti. Sex ipsum

JACOBUS.

Duorum & viginti annorum juvenis, focero suo, Carolo Lotharingiae Duci, copias adversus Metenses in auxilium adduxit. (b)

Initia  
eius.

**A**dquisitam Hachbergae Marchiam pater ei regendam tradidit vivus. Gubernationis hujus tempore triennale foedus cum Civitate Friburgensi A. 1430. contraxit. (c) Quo anno etiam Heitersheimensis Hospitaliorum Fratrum Prioratus ejus se tuitioni commisit.

Anno sequenti patri succedens, copiis contra Huffitas pro Sigismundo Imperatore hastiferos XXV. ex militia sua junxit. (d)

Tres æmuli de Archiepiscopatu Trevirense quum acriter certassent, Jacobus noster, cum Moguntino & Coloniensi Electoribus, Manderscheidum, Treviros obscientem adjuvit. Turbae hæ A. 1432. & sequenti durarunt. (e) Res per eosdem Electo-

---

„ levaverunt de fonte facro, videlicet Dn. Abbas de Mulnbrunn,  
 „ Dn. Abbas de Albe, Dn. Abbas de Gotzauue, Prptus de Herde,  
 „ Dn. Johannes de Kagineck miles, magister Curiæ Marchionis. Uxor  
 „ Theodorici Rœder sola levavit infantem, predicti astiterunt. „  
**SLECHTIUS**, ex autographo descriptus, inter Scriptores Rer. Alsatiar. comparebit.

(b) A. 1429. mense Julio. CALMET *Preuves de l'histoire de Lorraine* Tom. III.  
 pag. 197.

(c) Codex Diplom.

(d) HONTHEIM *Hist. Diplom. Trevir.* Tom. II. n. 801. pag. 380.

(e) MAPPPI *Annales Juliae & Montium* Tom. II. pag. 50.

res tandem, Papa interveniente, transacta. Trevirensem Praefatum Rabanus, Spirensis Episcopus, obtinuit. (f)

Sigismundus Imperator Jacobo & successoribus ejus omnia Domus Badensis jura in Concilio Basiliensi diplomate novo A. 1433. firmavit, annoque post eidem immunitatem officialium, ministerialium, omniumque subditorum a Landgraviali Brisgoviae aliisque judiciis concessit.

Privil.  
gia Sigis-  
mundi  
Imp.

### §. III.

Spanheimensium Comitum postremus Johannes A. 1437. Pax Castr., decepsit. (g) Jacobus Marchio & Fridericus Veldentiae Comes, Cruce- ad communionem possessionis vivo jam admissi Johanne, ratione ulterioris Comitatus inter se, & ratione citerioris cum Electore Palatino die 27. Nov. 1437. Pacem Castrensem, Communionis perpetuae causa, iniverunt Crucenaci. Fridericus Veldentinus, lineae suae Gentisque postremus, utriusque Comitatus Spanhemii, quam possederat, partem, Stephano Bipontino, Comiti Palatino Rheni, genero suo, quin & vi pacti, quod A. 1444. d. 16. Sept. iniverat, (h) filio Stephani, Friderico Simmerensi, reliquit. In hujus stemmate pars illa Spanheimensis Comitatus dimidia usque

R 3

(f) TRITHEMIUS *Chron. Hirsaug.* ad. A. 1437. vide supra in Bernhardo.

(g) Status caussae Christiani III. Birkenfeld. Part. 2. n. 27.

(h) Virtute Pacti Heidelberg. A. 1553. d. 2. Nov. initi.

JACOCUS.

ad A. 1560. permanxit; quo Palatino-Simmerensis Linea Electore  
rale occupavit solium. Tum vero Spanheimensis portio ad Wolf-  
gangum, Bipontii, & Georgium Iohannem, Veldentiae Duces  
pervenit. At A. 1566. omnis haec portio ad Wolfgangum  
Bipontinum solum pervenit; qui biennio post Carolo, filiorum  
suorum minimo, eam cum Birkenfeldensi tractu testamento reli-  
quit. Posteri hujus una cum Badeni Domo omnem Comitatum  
ulteriorem indivisim hodieque possident. (i)

## §. IV.

Acta ab  
A. 1438.

A. 1438. Reinoldus, Urslingae Dux, mortua uxore sua  
Anna vel Anastasia de Usenberg, cum Jacobo Marchione renova-  
vit pacta, quae cum patre ejus Bernardo super Brockingam &  
Bischoffingam, Brisgoviae vicos, ut & Castrum Alsatiae atque oppi-  
dum Gemar iniverat. (k)

A. 1439. Jacobus cum Ludovico Palatino Electore,  
aliisque Principibus, Reinhardum comitatus est Spirenssem  
Episcopum, qui magna solennitate Spiram urbem intrave-  
rat. (l)

(i) KREMER in praefat. ad Histor. Spanheim.

(k) Vide supra in Bernardo I. ad A. 1421.

(l) LEHMANN. Chron. Spir. Lib. VII. Cap. 123. pag. 940.

## §. V.

Jacobus paulo post cum Ottone Palatino & vicinis Principebus tuendae pacis publicae foedus inivit.

Acta ab  
A. 1440.

Francofurtenfi Conventui A. 1442. cum filio suo interfuit Jacobus; testisque roboravit diploma, quo Fridericus IV. Imperator privilegia Domus Austriacæ renovavit. (m)

Tum quoque Cæsar ei privilegium de non evocando concessit, omnesque Comites, Dynastas, nobiles, milites, ceterosque ejus ditioni protectioni & advocatiæ subjectos, intuitu personarum & rei sitæ, a Provincialibus & Cæsareo aulico judiciis immunes reddidit, Marchicis solis subjicit. (n)

Eodem anno Jacobus cum Friderico IV. Imperatore versatus Constantiae. (o) Brandenburgico Marchioni Alberto contra Noribergenses auxilium tulit. (p)

## §. VI.

A. 1444. evenit, ut Carolus VII. Galliæ Rex Imperatori copias contra Helvetios mitteret. Ludovicus Delphinus

Bellum  
Armania-  
cum.

(m) Diploma apud LÜNIG & in *Anzeig der Privilegien des Hauses Oesterreich.* pag. 89.

(n) LÜNIG *Reichs-Archiv Part. spec. Contin. II. IVte Abtheilung IX. Absatz* pag. 941. & SCHILTER. *Scriptor. Rer. Germ. Diplom.* pag. 97.

(o) Tschudi *Chron. Helvet.* Tom. II. pag. 350.

(p) Idem l. c. pag. 535.

JACOBUS.

triginta millia armatorum, quos Armaniacos vulgus vocavit, in Alsatiā duxit, in Helvetiam transituros. Tum vero Elisabetha, Galliæ Regina, ad Jacobum Marchionem, cui adfinitate juncta erat, (q) literas dedit, circa Festum Pentecostes, in Turonensium agro conscriptas; quibus eum de instante expeditione reddit certiore additque, Regem & Delphinum sibi promisſe, terras Marchionis plane fore intactas. Has Franciæ Reginæ literas Jacobus misit ad Imperatorem, suis adjectis, quæ scriptæ erant Badæ, feria IV. post Petri & Pauli diem, anni ejusdem. (r) Delphinus, viētis ad Basileam Helvetiis, copias suas per Alsatiā & vicinas regiones diffudit; sed Marchionatum Badensem reliquit intactum.

Armaniacorum furores repressurus Cæsar Comitia Norimbergam indixit, in quibus expeditio contra Delphinum decreta; Ludovico, Electori Palatino, summa belli delata. Speciatim autem Alberto Austriae Duci, Alberto Marchioni Brandenburg. Jacobo Marchioni Badensi & Ulrico Wirtenbergæ Comiti injunctum, ut in Brisgoviam cum copiis se conferrent, de reducendo

exer-

(q) Elisabetha, Franciæ Regina, soror erat Renati titularis Siciliæ Regis, qui uxorem duxerat Isabellam, filiam natu majorem Caroli Lotharingiæ Ducis & sororem Catharinæ, quæ Jacobo Marchioni nupserat.

(r) Literas utrasque exhibet ANONYMUS Scriptor. *Vitarum Marchionum Badens. idiomate Germ.* pag. 168. sqq. & FUGGER Oesterreich. *Ehrenspiegel Lib. V. Cap. 5.* pag. 550.

exercitu cum Delphino acturi. Hunc inter & Principes in magna illa planicie, quæ Brisacum & Enfishemium interjacet, institutus est fermo; quo rei transfigendæ Roshemii in inferiore Alsatia definitus est dies.

Ludovicus Palatinus timens, ne pacis mora Galli ludificarent Germanos, initio Nov. principes Spiram evocatos, de exequendo Ratisbonensi decreto interpellavit. Sed prævaluit Austriae & Brandenburgi Albertorum, Jacobi nostri, aliorumque sententia, qui Rosheimensis conventus expectandum esse eventum dicebant, neque prius, quam amicæ compositionis via fuerit tentata, festinandum ad arma. Paulo post Principes Argentoratum venerunt, de summa rei cum Delphino tractaturi. Hic vero, relicta paulo ante Alsatia, ad Beliardæ montem usque progressus erat. Unde re infecta Principes Argentorato discesserunt. Ab hoc tempore turbis Alsaticis se non amplius immiscerunt Jacobus; neque expeditio contra Delphinum suscepit. Hic denique in Conventu Trevirensi A. 1445. copias se abducturum promisit, ea conditione, ne quid damni nomine ab ipso exigeretur. (s)

## §. VII.

A. 1446. in Francofordiensibus Comitiis Jacobus una Acta ab  
A. 1446.

*Tom. II.*

S

(s) SCHILTER. ad Kœnigsh. pag. 936. sq. & pag. 1006. sqq. & HERZOG  
*Chron. Alsat.* Lib. II. pag. 117. sqq.

JACOBUS.

cum Augustano & Chiemseensi Episcopis, ut & cum Brandenburgico Marchione Legati Cæsarei functus est munere. (t)

Idem eodem anno cum Moguntino, Palatino, Austrio, Bavarо, Brandenburgico Principibus & cum Wirtembergæ Comite contra Helvetios fœdus initit.

Idem quoque annus est, quo Fridericus IV. Cæsar Rhenense telonium in vico Schreck, quod antea Johannes, Spanheimii Comes, possederat, Jacobo nostro concessit. (u)

Biennio post Marchio noster Castrum Steineck Dieterico a Gemmingen in feudum hereditarium concessit. (x)

A. 1449. bellum inter Austrios & Civitatem Basileam composuit Jacobus; (y) eodemque anno Alberto, Marchioni Brandenburgico adversus Norimbergenses & fœderatas civitates auxilium denuo præstítit. (z)

Sed & Comitis Wirtembergici socius, cum Carolo & Bernhardo filiis, Eslingae civitati, ob novum vectigal, quod ab Imperatore impetraverat, bellum indixit. (a) Commiffum est inter Wirtembergæ Comitem & civitatem sociosque ejus, ad Eslingam

(t) Mandatum hoc exhibet GUDENUS *Cod. Dipl. Mog.* Tom. IV. pag. 300.

(u) Tabular. Bada-Badense.

(x) Alia feuda, Dieterico huic data, vide infra in Carolo.

(y) TSCHUDI *Chron. Helvet.* Tom. II. pag. 479. 529. 493.

(z) CRUSIUS *Annal. Suev.* Lib. VII. Part. III. pag. 389.

(a) DATT. *de pace publ.* Lib. I. Cap. 15. n. 37.

prœlium, in quo Johannes a Steinheim eques, Dux copiarum Badenium cecidit, Wirtembergensis victor evasit. (b) In bello hoc Jacobus Wilam obſedit. Denique ſublatis auſtoritate Friderici Imperatoris controverſiis, pax inter Principes & Civitates reſtituta eft A. 1450. (c)

## §. VIII.

Eodem tempore Ludovicus Lichtenbergæ Dynaſta, Ro-  
mam proficisſens, avunculo ſuo Jacobo Marchioni, in Ortenaviciſ Turbæ  
ſuis terris vicino, regimen ditionum commiſſit. (d) Ludovico huic, Lichten-  
ex Italia reduci, A. 1451. cum Schafrido & Emicone Comiti-  
bus Leining. exortum eft bellum; multorum ſociorum acceſſione,  
magno utrimque gestum ardore; vaſtatis hinc inde terris, quin &  
Castris pluribus vel deſtructis vel captis. Schafridus Hohenfel-  
ſam, Dambacum, Neuhofium, & dimidiā Kittelsheimenſis vi-  
ci partem, a Lichtenbergicis ſibi reſtitui petebat. Jacobus Mar-  
chio Lichtenbergenſis, vicini ſui, partes fovit primum occul-

Tom. II.

S 2

(b) Vide CRUſIUS l.c. pag. 391. & TRITHEMIUS *Chron. Hirſang.* ad  
A. 1449. & 1450. pag. 419. & 421.

(c) SEBAST. MUEGII *Chron. Mſcript.* pag. 129.

(d) HERZOG. *Chron. Alſat.* Lib. V. pag. 19. Bernhardi March. filia Anna,  
foror Jacobi March. Ludovici hujus Lichtenberg. mater fuit. Vide A L-  
SAT. ILLUSTR. Tom. II. pag. 622.

JACOBUS.

te, dein conciliatoris officium in se suscepit, amicitiae vinculo Ludovico conjunctus. Fridericus Palatinus pro Leiningensibus stetit. Lis haec in Heidelbergensi & Badensi Conventibus cum transfigi non potuisset, Jacobus eodem anno, Spirae cum Electoribus nonnullis, quos inter Fridericus Palatinus, aliisque principibus, Conventum habuit die Assumptionis beatae Mariae. Aderat cum duobus filiis Marchio & cum vasallis suis, Comitibus, Baronibus, Equitibus & cum Marchione Roetensi. Conventui intereant X V. Principes, XXVI. Comites, XX. Barones (*Freyen*), XXXII. Equites. (e)

Lites vero inter Lichtenbergensem & Leiningensem cum nec in Spirensi hoc Conventu fuissent compositae, Jacobus una cum Reinhardo Spirensi Episcopo & Alberto Brandenburgico Marchione alium conventum Pfortzhemii celebravit, die Dominica post S. Lucae, in quo denique transactio coaluit. (f)

### §. IX.

A. 1452. Jacobus noster cum Philippo Ingenuo, Electore Palatino & ejus Administratore Friderico, foedus inivit super

Pax Castr.  
Werden-  
fis.

(e) Codex Mscpt. Palatini Archivi, & LEHMANN. *Chron. Spirens.* Lib. VII. Cap. 100.

(f) HERZOG. *Chron. Alsat.* Lib. V. pag. 21. fqq. Bellum hoc quoque describit MATTHIAS A KENNAT, Friderici I. Palatini familiaris in Vita Friderici hujus Manuscripta pag. 163. quæ in Tabulario Palat. Manhemii servatur.

Castrum & oppidum Werde (*g*) in Alsatia omnemque ejus districtum & marcam. Rupertus Palatinus Elector jam A. 1400. die S. Matthiae Apostoli quartam Castrum hujus partem a Ludovico, Lichtenbergae Dynasta, coemerat, pacemque cum eo iniverat Castrensem. Marchio Jacobus ex tribus illis partibus, quæ Lichtenbergicis remanserant, partem octavam ejusdem Castrum Werdenis coemit, adeoque ad Ganerbicam Castrum quoque admissus est pacem. Pacis hujus particeps Palatinus Elector, petiit, ut acibus ob accessionem hanc cum eo Castrense quoque conderet fœdus. Conditum est die Jovis septimanæ Paschalis 1452. in Castro Liebenzele, ubi tum versabatur Jacobus. (*h*)

A. 1453. Jacobus a Carolo, Rege Franciæ, propter *generis nobilitatem ac sacræ plurimæque virtutis decus*, Confiliarius & Cambellanus nominatus est, literis in pago Turonensi datis, in quibus *Consanguineum* suum Rex Marchionem adpellat. (*i*)

## §. X.

**A.** eodem die Martis post Quasimodogeniti Jacobus Collegium XXII. Clericorum, Petro, Paulo, Johanni Jacobo,

Fundatio  
Ecclesiæ  
Colleg.  
Badenfis.

S 3

(*g*) WOERDT oppidum caput est Praefecture, quæ Lichtenbergicæ apud Alsatias Dynastiae pars est, duabus leucis ab Hageno situm.

(*h*) Instrumentum fœderis hujus in Palatino Electoris Tabulario supereft.

(*i*) GUDENUS Cod. Dipl. Mag. Tom. IV. pag. 315.

JACOBUS.

Georgio & S. Annæ, Patronis dicatum, in Ecclesia Parochiali Badensi instituit; cuius jam diu ante votum Bernhardus suscepit pater. (k) In Collegio hoc duodecim ordinavit Canonicos; quos inter Praepositus, Decanus, Custos & Cantor; reliquos X. Vicarios esse jussit. Collegiatæ huic praeter annuos redditus 500. florinorum, jus patronatus concessit in novem parochias, Besigheim, Mensheim, Cappel, Gochspolsheim, Niederbühl, Elchisheim, Remchingen, Seldingen & Gechingen; quas Bulla sua Pontifex eidem Collegiatæ attribuit. (l) Eimidam fere annuum reddituum partem (medios fructus vocant) ad ecclesiæ usus Canonici conferre tenentur. Jus præsentandi Marchionibus reservatum; qui inter XII. Canonicos, quatuor Doctores vel Licentiatos admittant; reliqui sint viri probi & docti, ex legitimo omnes matrimonio nati, nisi forte naturales Marchionum filii admitti petierint. Quodsi Marchiones inter eorumque officiales aut subditos atque Capitulum Canonicosve lites oriantur, quæ amica transactione non possint componi, componantur per arbitros quatuor, quorum duo e confiliariorum Badenium numero, ceteri e capitulo elegantur. Dissidentibus quintus addatur superarbiter, quem vel confiliarii vel facherotes elegerint arbitri, prout vel ec-

(k) Adi supra pag. 120.

(l) Exponit hæc scriptum: Genuina Informatio de perpetua subjectione Collegiatæ Ecclesiæ Badensis, hoc seculo impressum.

clefiaisticæ vel secularis personæ causa agitur. A laudo provocare non licet.

## §. XI.

Eodem tempore Jacobus, acceptis solennibus literis, (*m*) Testa-  
mentum  
Jacobi. quibus filii paternæ se voluntati submittunt, plura inter eos testamento disposuit, quæ ad successionem terrarum, ad splendorem & incrementa Domus, mutuanque fratrum concordiam pertinere videbantur.

Carolum, Bernhardum, Georgium seculo, Johannem & Marcum ecclesiæ destinavit. Carolo natu majori pleramque superiorem Marchiam cum Spanheimensi Comitatu & Marchionatu Hachbergico ac Dynastiis Hühingen, Lahr & Mahlberg attribuit. (*n*) Inferiores terras inter filios postgenitos Bernhardum & Georgium divisit: illi Pforzhemium, huic Durlacum sedes regiminis constituit. Sortes & spem super Lichtenberg, jura super Ducissæ Lotharingiæ hereditatem, jura in Mutzig; debita Papæ, Cæsaris, Austriae, Oettingæ & alia in communione reliquit. Johanni autem & Marco annuas mille florenorum assignavit pensiones, quarum dimidia pars cesset, simulac uterque ecclesiasticis ex beneficiis totidem obtinuerit florenos. Tota penso cesset, ubi aut Episcopatus, aut bis mille florenorum redi-

(*m*) Die Mercurii post Quasimodogeniti.

(*n*) Literæ ipsius testamenti tabulis insertæ.

JACOBUS.

tus impetraverint. Imperialia & Palatina feuda Carolus; Moguntina & Spirensia Bernhardus, Weissenburgensia Georgius suscipiat. Ad redimenda feuda Palatina *Graben* & *Stein* tres lineæ summam 15000. flor. (o) conferant, at possessio maneat penes eum, cuius portioni in testamento adscripta sunt. Documenta in Castro Badæ communi afferventur custodia. Singuli fratres repertorium eorum habeant. Nulli fratrum soli ad ea pateat aditus.

De cetero filii injungit Jacobus, ut singuli eorumque heredes, perpetuam inter se pacem & amicitiam colant; a bellis, mutuisque abstineant injuriis. Arctissimo inter se foedere nxi, amicos habeant communes & hostes, neque cum exteris societatem ineant, aut foedera pangant. Lites obortas amicabili transactione componant; vel arbitros eligant consiliarios; quibus superarbiter, si necesse est, addendus; omni provocatione sublata. Subiecti unius in alterius terris, nisi domino consentiente, matrimonia ne contrahant.

Feminæ, nonnisi extintis omnium linearum masculis in Marchionatu succedant; duodecimum egressæ annum omnibus in terras Marchicas juribus renuntient. Confirmationem hujus juris post

(o) Adduntur in testamento rationes, cur Carolus plus reliquis accipiat: Longinquitas terrarum, indivisibilitas Comitatus Spanheim, dos insignis uxoris 39000. flor. Rhenensem; quos pater in suum usum converterat.

post testatoris mortem a Cæsare petant Marchiones. Decies mille florenorum filiae principis dos sit. Auctis terris dos hæc quoque possit augeri. Monastica vota, quæ suscipiunt filiae, quotannis centum florenos accipiant. Terras aut earum jura, neque alienare, neque oppignerare Principi Badensi fas sit. Quodsi oppigneratio evitari non potest, relutio semper maneat salva; pignus sex mensibus ante fratribus vel agnatis offeratur; quibus, uti & pignoris domino, perpetuum reluendi jus competit. His formulis alienationes terrarum Badenium solenni suo testamento Jacobus prohibuit. Christophorus, nepos ejus, arctiore vinculo, ut deinceps docebimus, successores adstrinxit. Dotalitia & viduallia principum seminarum super terras fieri permisit Jacobus. Si una ex lineis sine masculis perierit, reliquæ succedant æqualiter, ita tamen, ut senior Badam semper, cum valle & Advocatia Monasteriorum *Lichtenthal & Schwarzach* possideat. Lineæ pereuntis filia 10. mille florenorum accipiat dotem. Quodsi duæ lineæ perierint, tertia succedat; at filiabus semper prospiciatur. Si omnes lineæ interierint, succedat, qui jus succedendi tum habiturus est.

## §. XII.

**A.** 1453. Jacobus Spira domum rediens ægrotavit, mor- Mors  
eius. tuus in Castro Badæ, quod dein vocatum est vetus. Sepultus in Collegiata Badensi, quam instituit, Ecclesia, ubi & pater sepulturam accepit.

Tom. II.

T

Præter Spanheimensem Comitatum, de quo jam supra, dimidiā quoque partem in Schwann, Conweiler, Tobel, Tenach, Rumertsbach, Stenach, Ober - Nibelsbach, Grevenhausen, Sulzfeld, Under - Niebelbach, Langenalb, Neuenbürg acquisivit Jacobus. Altera dimidia pars Ludovico, Wirtenbergico Comiti, vendita fuit. Nec transeundum silentio, quod vicum Weisweil, Hachbergici Marchionatus, cum castro, 1560. florēnorū summa a Stauffenbergensibus Dynastis A. 1430. redemit. Homines proprios, quos Rathsfamhaufii Bahlingae habebant, 800. florēnis Marchionatui acquisivit.

### §. XIII.

Chara-  
cter.

Salomonem Badenensem haud immerito vocamus Jacobum, qui tam sapienter, tam pie suam rexerat Marchiam; suam rexerat Domum, cui Sanctionem Pragmaticam solenniorem Bernhardina præscripsit, qua ejus felicitas, splendor, immortalitasque inititur. Per omne regiminis tempus pacem custodivit & coluit. Jura in Margarethæ, Lotharingicæ socrus, hereditatem neglexit, eaque filiis in testamento prosequenda reliquit. Justitiae & integritatis laus ejus per Germaniam omnem inclaruit. Moriens mutuam inter se concordiam filiis injunxit & in cives clementiam. Speciatim ordinavit, ut primo a morte ejus anno, adhibitis quique consiliariis, singula ditionum obirent oppida & loca, omniumque audirent querelas, oppressos sublevarent, vim

injustam, si quæ eo regnante illata, corrigerent. Disciplinam quoque Monasteriorum in terris suis habuit curæ, atque inter alia Monasterio Albæ seminarum novam ordinationem præscripsit. (p)

Plenus admiratione ejus AENEAS SYLVIUS (q) hunc in modum de eo scribit: „ In Marchionatu Badensi Princeps Jacobus justitiae ac prudentiæ fama inter Germanos clarissimus, „ cum sibi ad humanam felicitatem solam literaturæ peritiam „ deesse angeretur, quos ex conjugè legitima liberos sustulit, „ ediscere literas compulit: inter quos diviso patrimonio, cum „ Carolo primogenito, singularis industriæ juveni, Imperatoris „ fororem matrimonio collocasset, plenus annis haud invitus e „ vita deceffit. „ (r)

#### §. XIV.

Uxor Jacobi fuit Catharina, Caroli I. Lotharingiæ Ducis Uxor.  
filia. Hic masculam non reliquit prolem, sed Isabellam & Ca-

Tom. II.

T 2

(p) Epistola Conradi de Munchingen, Carthusiani, scripta A. 1443. Tabular. Bad.

(q) *De Statu Europæ sub Friderico III.* apud FREHERUM Tom. II. p. 133.  
AENEAE SYLVII Operum p. 438.

(r) Ibidem pag. 493. hæc addit: „ Jacobus Marchio Badensis, ubi latrocinium in ditione sua commissum didicit, vocatis iis, qui damno affecti fuissent, tantum eos ex fisco suo accipere jussit, quanti esse, quæ amississent, jurejurando affirmassent. Exinde latrones infecutus,

JACOBUS.

tharinam filias. (s) Isabella destinata fuerat Jacobo, at nupsit dein Renato, Andegavum Duci, qui titularis fuit Neapoleos Rex; cui Cardinalis Barrensis, in favorem matrimonii, Ducatum Barrensem & Marchionatum Mußipontanum promiserat; bonorum suorum eum instituens heredem. Catharina A. 1408. nondum septennis desponsata fuit Jacobo, virtute paeti, quod pater ejus Carolus cum Bernhardo Marchione inivit. Carolus filiae 15. mille florenos in dotem promisit. Conventum quoque, ut morituræ sine liberis Isabellæ Catharina foror & ejus heredes in Lotharingiæ Ducatu succederent. (t) Bernhardus ex sua parte vi cies mille florenos filio & in vidualitum Catharinæ promittit, eumque in finem Castrum & oppidum Stolhovæ oppignerat. Literæ utriusque partis conjunctim conscriptæ sunt hac super re

„ apprehenſos in rota fustulit. Id est supplicii genus apud Teutonicos  
 „ formidabile. Atque ita brevi pacatissimam provinciam reddidit. Pa  
 „ tris vestigia Carolus nobilissimus adolescens sequitur, cui nupta est  
 „ Catharina, foror Friderici Cæsaris.

(s) Lexicon Basil. Art. *Baden* Catharinam dicit fuisse seniorem. Verum in Instrumento vidualitii Isabellæ, quod Ludovici, Cardinalis Barrensis, auctoritate constitutum Nanceji d. 24 Octob. 1420. Isabella diferte vocatur *filia senior* (fille ainé du Duc de Lorraine) vide VIGNIER *Origine des Maisons d'Alsace* pag. 194. Adde sententiam Caroli VII. Galliæ Regis inter Renatum & Antonium Valdemontii Comitem, ubi Renato adjudicatur Lotharingia ex capite Conjugis ejus Isabellæ. Data est Rhemis d. 27. Mart. 1440. VIGNIER pag. 213. sqq.

(t) Idem plane cautum est in testamento Caroli I. Lotharing. Dicis A. 1424.

Raoni Lotharingiae; quarum authenticum in Tabulario Baden-Badensi inspexi.

Nuptiae Jacobi cum Catharina nonnisi A. 1426. celebratae fuerunt. Tum vero Jacobus Lotharingiae oppida *Bruyeres, Arches, Raon & S. Deodati* oppidum (*S. Diey*) dotis loco accepit. (u) Locis his Werficum Bock de Stauffenberg, virum bello strenuum, praefecit Jacobus. Hoc mortuo terras istas & oppida Renatus Dux, Isabellae maritus, soluto Badensibus pretio, redemit. Werficus castrum Jungholz in Alsatia superiore occupavit, ubi cum Hatstadiis, Husiis, Regishemiis, Stoeriis &c. Militibus contra Lotharingos nobiles, a quibns olim se laesum querebatur, societatem initit. A. 1465. suscepit in eos cum sexcentis armatis expeditio, indeque ingens præda per vallem Sancti Gregorii incolis hujus vallis ob priscam cum Lotharingis amicitiam frustra renitentibus, Jungholzium ducta est. (x)

### §. XV.

Jacobus ex matrimonio cum Catharina Lotharingica Liber. quinque filios, unamque filiam suscepit.

T 3

d. XI. Jan. conscripto. vid. CALMET *Hist. de Lorraine* Tom. III. Preuves pag. 187.

(u) CALMET *Hist. de Lorraine* Tom. 2. pag. 704. Memorata quatuor oppida sita sunt in Vosago monte.

(x) BERLER. *Chron. Mscpt. Mundati Ruffac.* fol. 141. quod inter Codices meos Alsaticos extat.

1. Carolus primogenitus patri in principatu successit.
2. Bernhardus ob vitæ sanctimoniam inter Divos relatus.
3. Johannes Archiepiscopus Trevirenis evasit.
4. Georgius factus est Praeful Metensis.
5. Marcus in Ecclesia Coloniensi & Argentinenfi Canonicatum accepit.

Margaretha, Jacobi filia, Alberto Marchioni Brandenburgico nupsit.

Carolum Bernhardum atque Georgium seculo destinaverat pater, Ecclesiæ ceteros. Sed Georgius portione, quam testamento paterno acceperat, Carolo fratri relicta, ad Ecclesiam quoque transfivit. Bernhardus eidem fratri regimen terrarum suarum reliquit; non diu post mortuus cælebs.

